



BIBLIOTHECA
UNIV. ZAGREB.
CAROLOVICENSIS

24876


Mag. St. Dr.


I





24876 I


Mag. St. Dr.














Gurgiecki A

1842 IV. 153.

Vita And Norcani

24. 3. 1842

3997

128

ANDREÆ NOSCOVIJ
EPISCOPI
PŁOCENSIS.
VITA.


PER ANDREAM SWIĘCICKI
*Notarium Territorij Nuriensis, eius ex Soro-
re nepotem.*



Cum licentia superiorum.

V A R S A V I Æ,

Apud Joannem Trepsinski, S. R. M. Typo-
graphū. Anno Domini 1637.





Perillustri & Magnifico Domino,

D. ADAMO NOSKOWSKI

à TRĄBKI ET NOSKOW ATQ; IN ŁĘCZNA
& TEREBIN &c. &c. hæredi. Finium Regundorum
Municipij LUBLINENSIS Judici.

Dño ac Mecænatu suo. Felicitatem.

I Necr brutas animantes ingenio Princeps Elephas, ve prolem natura fabrica in suo utero elaboratam effundat, decennium iuxta sensum vulgi postulat, Vir Clarissime. Ita sapere videtur Elephas etiam in partu, cum lente festinat. Hoc in oculis paruum, in re, magnum opus, non satis ad maturitatem collatum sibi putaret, si decennio premieretur, quinimo, velut festinante cane cæcus catulus nasceretur. De Illustrissimo enim Andrea Noscouio Episcopo Plocensi, diuino plane viro communique noscitur Anno, multis abhinc annis a patre meo elucubratum, non paucis ab illo ipso, plurimis a me astutibus in cæca scrinii aluo, velut in utero quodam, cum velatum, tum etiam circumlatum est. Monstraram id quidem Sanctissimo illi Seni Hieronymo Cielecyo Plocensi itidem Præsuli, (cuius vel cineribus me plurimum debere fateor) tum Petro Gembicyo protunc Regenti, ut vocant, Maioris Cancellariæ, demum, magno Regni Secretario, qui nunc iam & Procancellarius est Regni, & Præmysliensis Episcopus, qua viro doctrina? qua elegancia? atque Georgio Leyer Presbytero e Societate Iesu, qui nunc Serenissimi Principis Casymiri a confessionibus est (una enim cum mensa Episcopi illius accubueram Wysskouia) aliisque amplissimis & doctissimis viris, Cielecyo tunc temporis presentibus voluere illi auidi, plurimum arridere, manus offerre; Deinde, ne blattas tinasque hic partus pasceret, sed in lucem


& aspectum hominum effunderetur suadere, hortari, virgere, dicere
que, incongruum esse, Virtutem, solidi pectoris hospitem, tanto tra-
ctu temporum in seum gloriae fructum non decerpere. Hic sensus &
consensus tantorum fuit Virorum. Mihi vero, ut pote nonnullis, ab
hoc negotio deterrito, comperendinare visum est. Cum enim ea fors
charissimo Patri meo contigisset, ut ex BARBARA Noscouia cla-
rissimi huius Antiscitis sorore nepos natus, sub eius tutela fuerit,
demum viram eius contexuerit; verebar, ne, plus colorum quam ver-
borum, vel ex agnati sanguinis affectu, vel ex assentandi studio, quam
ex ipsa veritate influxum ei iudicaretur. Sæpenumero enim vexat
censura etiam columbas. Morosiora igitur ac difficiliora legentium
quam audientium iudicia prima fronte perhorrescens, fortius pedem
fixeram. Sed omnibus numeris absolutissimi Præsulis vicit iter du-
rum PIETAS, liuida q; censura posthabita, omnino monstrandum
ac reuelandum orbi OPVS persuasit. Quantum emolumentum sit al-
laturum, diuinare superuacaneum esset. Si quidem in ea, & mino-
ribus calcar, & aequalibus viuum exemplar, & maioribus praeclarum
amulum, inuentum iri non despero. Ita videlicet suam ille viuendi
rationem conformauit, ut solus & vnicus, omnibus sufficiens theatrum
posset esse. Quare, hac etiam ex parte scopum tetigisse me puto,
quod Te vnum ex omnibus huius libelli protectorem delegi. Cum enim
non solum familiae & sapientiae, sed virtutis etiam luce, felicissimum
ratus horum trium nexum, fulgurare cupias, hic te in Præsule illo
talia decora effulsisse, velut fidelis magister edocebit. Desideras e-
um magnum in familia? Tua est. Quaris in imagine ipsius virum
ad mentem Palladis? Isce est. Amore virtutis ardes? Norma est.
Equidem Vir Magnifice, honorem maiorum tuorum satis abunde
tueris, cum numen inprimis diuinum PIETATE, Patriam ob-
sequiis, amicos beneuolentia, domesticos amore, omnes denique hu-
manitate Tibi deuincis. Sed ne satis nota enarrem. Acrius & ala-
crius eodem quo cepisti pede progredi, si vitæ Antiscitis illius
imaginem, prudenti aqua atque pio oculo fueris contemplatus. Qua-
propter

propter Vir Magnifice, auitarumque virtutum custos sedule atque
perpetue, TIBI munus hoc, libenti non minus quam sincero animo
Dico. Si paruitatem illius respexeris, erit fortasse iuxta tritum
illud Hoc munus non munus: Vbi tamen oculum in rerum magnitu-
dinem intorseris, Iliadem in nuce conclusam iudicabis. Aspice iam
tuum solem Aquila. Me vero, qui ex intimis tuis esse non vane nu-
meror, ex eadem nempe magna memoria aui linea, ad omnia prom-
ptum, paratum, expeditum, eo, quem sanguis exigit amore prose-
quere. Vale. Sirnii vj. Nonas Maii. Anno humane salutis
M. DC. XXXVII.

Perilluſeris M. T. obſequentiſſimus

Cliens

SIGISMUNDVS SWIĘCICKI
de Magna Swięćice.



ANDREÆ NOSCOVII
EPISCOPI
PLOCENSIS
VITA.



ANDREAS NOSCOVIVS Ladiâ equestri & veteri familiâ, Patre Floriano & ANNA LESCL. NIA, natus est in villa Noscouia agri Zakroczy mensis. A pueritia tenuiore etiam quàm pro fortuna patris cultu educatus, adolescentiam nihilò splendidius egit. Ingenio docili cùm percepisset doctrinas, quibus tenera ætas imbui solet, prouectior iam ad grauiora studia animum conuertit: in quibus adeò profecit, vt ne nunc quidem in hoc ingeniorum cultu, indoctus haberetur, tum certe comparatione æqualium excelleret. Adulti iam & iuuenis cùm iam celebraretur multorū sermonibus virtus, Paulo Trombio Masouizæ Procancellario propinquo ipsius ignota esse non potuit: qui accessit ad se, cùm quodnam vitæ genus vellet eligere quaesiuisset, accepissetq; sacris se initiari velle; collaudato adolescētis consilio, res illius curæ sibi fore promisit, nec ita multo post, & perduxit in aulam Masouizæ Principum, & quā poterat in gratia collocauit. At Noscouius fide, assiduitate & industria perfecit, vt commendatione aliorum non valde indigere videretur. Ornatus enim honesto à Principibus Sacerdotio, etiam alterum opimioris fructus adeptus est. Atq; incidisse quidem in homines eiusmo-

ANDRÆ NOSCOVII

eiusmodi, ijsq; se dedisse, qui boni essent alienæ æstima-
tores virtutis: Fortunæ cuiuspiam fuit hoc proprium ipsi-
us, cepisse honores sic, vt nulla resederit aut ambitus in
eo, aut sordidæ prensationis suspicio. Reliquus honorū
cursus idem fuit: non enim petebat honores, sed is erat,
qui non petens etiam, ornari ijs mereretur. Vnde cum ab
excessu Stanislai & Ioannis Masouiae Principum, ad Epi-
scopum se Plocensem contulisset, in Collegium xij. virū
Pustouiae, ab eo cooptatus est. Vbiq; cum se exhibuit, vt
& in priuata vita sobrius, & in suo munere diligens, &
concors in Collegio haberetur. Hic tamen vitare non po-
tuit, quominus rei suæ causa in iudicium veniret: cuius
cum non facile domi reperiret exitum, Romam petijt.
Quamquam cum magno desiderio vidēdæ illius iam antea
teneretur: non tam negotij causa, in quo conficiendo,
opera ipsi non defuisset Patronorum, quàm vt animo suo
morem gereret, iter illò suscepit, adeptusq; est id quod
oprārat, vt & urbem Romam, in eaq; omnia quæ aut pro
pietate sua visenda, aut pro curiositate humani ingenij in-
spicienda essent, videret: & præterea molestijs litium ali-
quando liberaretur. Postea cum domum ab annua pere-
grinatione esset reuersus, notauissetq; in ea multa quæ ad
formandos mores pertinent, sic vitam instituit, vt ad pri-
stinam probi hominis laudem, alteram etiam boni sacer-
dotis, adijceret. Nec tamen eò secius officia amicis præ-
stare intermisit. Nam cum esset Ioanni Billinio designa-
to Episcopo Plocensi, intima familiaritate coniunctus,
versantiq; in regia, non modo vt suppeterent ad cultum
omnia copiosè, sed etiam vt super parro nuper sacerdo-
tio, diploma Romæ expediretur, maxime laboraret: iuua-
do amico homine & pecuniam suam expendit omnem,
& ali-

EPISCOPI PŁOCENSIS VITA

& aliunde sumpsit mutuat. Quo factum ut breui extin-
cto Billinio cum pecuniæ soluendæ adesset dies, Sponso-
ris Noscoui langueret industria, periclitaretur fides; nisi
anxium animi, ipse qui nunquam probos dubijs in rebus
deferit, respexisset Deus. Sint sanè alia ex quibus quan-
tum is valuerit ingenio, quantum consilio, intelligi po-
test. Hoc quis non fortuitum & diuinum quid, fuisse pu-
tet: quòd cum Cracouiam cum Iacobo Billinio Suffraga-
neo Płocensi venisset: ut quantum frater eius opera reipu-
blicæ nauanda, æris alieni contraxisset, ex tabulis testa-
menti Sigismūdo Regi ostenderet: rogaretq; nisi hæredes
vellet esse perditos, solutionem nominum ut ipse expli-
caret: sic probatus est, quā congressus, quā constantiæ,
quā sermonis & disputationis cum Principe, ut dignus
maiore quàm in qua tum esset fortuna, omnibus videretur.
Quare cum Bona Regina per Thomam Sobotium Re-
gni Cancellarium prolixè & per benignè operam offerret,
si vellet, se curaturam ut studium Regis in adipiscendo
Pontificatu Płocensi ipsi non deesset: Noscouius pauca-
do se præfatus, actis multo verborum cum honore grati-
is, iudicium grauissimæ & prudentissimæ Reginæ, maio-
ri sibi voluptati esse, quàm ipsum honorem testatus est.
Quid autem Regina in eo spectauerit, an quod ad Maso-
niam animum adiecisset (quàm donationis propter nu-
ptias nomine à Rege deposcebat) ideò parare beneficio
suo amicum voluerit, qui authoritate sua Prouincialium
studia posset ipsi adiungere: an quid aliud secuta sit, non
tam constat, quàm illud certum est, in eo quoq; nihil ad
summam felicitatem Noscouio defuisse, quod is honor
qui propter dignitatem illi patere poterat non expectan-
ti, certè non ambiēti obigit. quem yti malis artibus quædam

ri non decuit, ita repudiari fortasse non oportuit, vltro
 oblatum. Cum itaq; curando nouo Episcopo, comitia
 à sacro Collegio Pſotiz haberentur, Andreas Noscouius
 Sigismundi Regis studio subnixus, facile in se omnium
 suffragia traxit. Manebat enim etiam tum in speciem ve-
 tus mos, vt penes Collegium ius eligendi Potificis esset:
 reuera Regibus sic sensim electioni se ingerētibus, vt quod
 vellent, nutu à Collegio impetrarent. Ita tum quoq; cum
 Sigismundus Noscouium adiuraret, & per Brittium So-
 botium contenderet, vt cum ipse optimè nosset cuius mo-
 di Senatoribus opus haberet, Noscouium quem virum
 bonum & prudentem cognouisset, cæteris s; qui peterent,
 præoptarent: prudentes homines honestius sibi duxerūt,
 quod facturi vtiq; essent, iudicio suo potius quàm alieno
 imperio videri fecisse. Magno igitur omnium assensu No-
 scouius Pontifex renunciatur, singulari bonorum lætitia,
 admiratione inuidorum, quod is homo qui nunquam Re-
 giam fuisset affectatus, nonnullos in Regiæ oculis atque
 in luce hominum positos gratiā vicisset. Nec deerant qui
 dicerent largitione sibi dignitatem parauisse. ego diuino
 potius beneficio factum puto, studio tamen & mediocri
 diligentia sibi haud defuisse non nego. Factus igitur Epi-
 scopus sic munus illud administravit, vt cætui sibi com-
 misso vigilantiam præstaret, reipublicæ fidem, subiectis
 æquitatem & clementiam. Quo fiebat vt sacerdotes in-
 tuerētur illum, quasi è prisca aliquem memoria: Rex ipse,
 quod cum talem in consilium sibi adsciuisset, iudicio suo
 lætaretur: populi verò quibus præfuit, cælo delapsum ad
 se existimarent. Mortuus est breui post tempore Sigismū-
 dus, cuius mors, acerba domesticis, luctuosa ciuibus, ex-
 ternis quoque haud læta fuit: tantus enim eius Regis vir-

EPISCOPI PLOCENSIS VITA.

tutis splendor extitit, ut hostes etiam cuius vim & felicitatem metuebant, eius iusticiam amarent. Nemo erat qui non in magno periculo rem Poloniam positam existimaret, excessu sapientissimi senis, admoto ad gubernacula negotiosi regni iuvene, & quod maximè timebatur, ciuium multorum studijs, non valde erga nouum Regem propensis. Noscouius qui ex quo Pontificatum iniiuit, non temerè se domo commouerat, tum ad orbam perito gubernatore rempublicam accurrere, quam fluctuantem è tuto prospicere maluit. Itaq; Cracouiam profectus, ut optimè de republica meriti in seque benefici Regis supremis interesset: cum morti ipsius tum Bonæ Reginæ regionumq; liberorum mæori veras lachrymas impendit: peractisq; omnibus ritibus qui fieri circa Regum funera de more solent, postridie eius diei, alijs Pontificibus diuersis in templis sacra peragentibus, ipse in Diui Stephani piaculare sacrum fecit, quo more institutoq; maiorum expiandis mortui letionibus noxis, mundissima hostia Deo Opt. Maximo offertur. Mox ad functiones Senatorias digressus, regem confectum mæore & lacrymis, ut animum à luctu ad capeffenda Reipublicæ negotia traduceret, hortatus est, nec inanem eam operam sumpsit, nam qui participem se iustissimi doloris præbuit, eius in consolando valuit autoritas. Neque hic ipsius cura conqueuit, sed cum forte rex iuuenis, quòd inconsulto amplissimo ordine Barbaram Radiuilam vxorèm duxisset, alienioribus multorum animis vteretur: Noscouius qui sciret satius esse quædam ne fierent prohiberi, quàm cum essent facta dirimere: tum quoq; licet nonnihil in Rége desideraret, discedendum sibi à fide & obsequio non putauit: insigneque eius studium & opera fuit, sicut & nonul-

ANDRÆ NOSCOVI

lorum ferè eius ordinis amplissimorum virorum, ut animi
 ciuium erga Regem ij essent, qui esse deberent. Ita ille me-
 dium quiddam secutus & grauior fuit, quam ut Regi as-
 sentari in animum induceret, & moderatior quàm ut tur-
 bas mouendas existimaret. Quare beneuolentiâ quoque
 illius Regis floruit, cui cum fidem erga se, & ingenij dex-
 teritatem probauisset, delectus ipsius iudicio est, qui de-
 sponsam sibi Catharinam Ferdinandi Regis filiam, Olo-
 rucio deduceret. Quod munus sic impleuit, ut neminẽ
 ante illum eiusdem ordinis, splendidius & magnificenti-
 us idem illud obiuissẽ omnes faterentur. Neq; id eò fecit
 ut pecuniam & opes ostentaret suas, ut qui esset ab omni
 vana gloria cum naturâ tum vitæ instituto remotissimus,
 sed more maiorum, in priuata quotidianaque vita, fruga-
 litati & temperantiæ, in publici muneris administratione
 magnificentiæ seruebat. Quod ita esse reipsa statim de-
 clarauit, persunctus enim eo munere, intextas auro ve-
 stes, argenteas fibulas, conosque quibus in cultu familia-
 ri vsus est, in sacras chlamydes & templorum donaria con-
 uertit. Secutum est deinde tempus, cum Bona Regina,
 liberos dignitate, fortunâ & ætate florentes relinquere.
 Barium in Apuliam demigrare, omnemque eò pecuniam
 deportare statuerat. Erat qui retinere ipsam posset tot
 charissimarum rerum, quas relinquebat, respectus,
 sed postquam nec filij preces, nec lectissimarum virginum
 filiarum lacrymæ flectere à proposito animum valerent,
 Principes Regni vocatu Regis conuentum Craconiæ ha-
 buere, in quo varijs varia suadentibus, Noscouius suo lo-
 co rogatus, nulla vel exprobratione beneficiorum, vel
 denunciatione inimicitiarum deterreri potuit, quominus
 sententiam liberè diceret. Orsusq; à rustico quodam qui

EPISCOPI PLOCENSIS VITA

anati gallinarum oua subdidisset, cumq; esset ea exclusi
foetus negligens, & stagna identidem peteret, defixo in
terram paxillo illam adligauisset; eaq; solertiâ effecisset,
vt anas natatu prohibita, fouere pullos & solo assuesce-
re cogeretur: hac vt dixi narratione, cum animos audien-
tium exhilarauisset, postea & docuit quæ erant necesse,
& ita grauiter & copiosè rem omnem explicauit, vt maio-
ris saniorisque partis in eius sententiam fieret discessio.
Molestè hæc Regina & iniquo animo tulit, sed ea tamen
consecuta sunt, vt nulli minùs odio digni essent, quàm
qui eius consilijs potissimùm obstiterunt. Quo in nume-
ro Noscouius fuit, qui demonstrandis ijs quæ videbat in-
commoda, cum officio suo satisfacisset, tum verò quæ
erant futura prædixit vt vates. Fuit in illo mediocris qui-
dem literarum notitia, sed summa prudentia & ingenij
naturalis quædam bonitas. Antiquitatis patriæ, legum,
morum notitia, ad eaque retinenda memoria par. Elo-
quentiæ tantum sibi parauerat, non quidem quod Ora-
tori, sed quod esset Principi Senatori satis, multa illius
grauiter, multa leniter, multa facere dicta memorâtur.
Itaq; dicturus sententiam expectabatur ab omnibus, at-
tentè audiebatur: nam in multa orationis granitate, tamē
inerat quidam lepos, ita vt nemo esset antiquæ illius urba-
nitatis sapore conditior. Nec vereor ne quis putet amo-
re me vel nexu cognitionis proximæ prouectum, laudi-
bus Noscouij aliquid affingere: quod vt ita sit tantum a-
best, minora tantum præstantissimi viri adhuc attingimus;
nam nec religione, nec pietate, nec iustitiâ facile quen-
quam priorem dixerim, & continentiam, clementiam, man-
suetudine ea fuit, vt mihi videantur cum quolibet veterū
comparari posse ipsius virtutes. Nec tamen aut abiecta.

B ;

comitas

ANDREÆ NOSCOVII

comitas, aut mansuetudo lenta ipsius fuit: nam qui iniurias facile dissimulabat tenuiorum, idem potentum contumaciam nolebat perpeti, cuius rei plura exempla proferrem, sed ne sim longior vnico ero contentus. Nam cū Ioannes Tarnouius vir summus autoritate, & multis magnisque virtutibus clarissimus, in familiari sermone, multa de Sigismundo iuvene esset conquestus, adiiciens regem allectis in Senatum quibusdam ex summis vitæ & fortunæ sordibus, despectum illum ordinem reddidisse, fecisseque quod aleatores, qui si desit aliqua tesserarum, coniecto in alueum rapi frustulo, numerum supplere soleant: hoc (vt fit) agitatum multorum sermone, cū ad Noscouium (aderat enim Cracouiæ) esset perlatum, quanquam nec nobilitate generis vlli esset inferior, nec vitæ aut fortunæ suæ illum pæniteret: & à Sigismundo superiore in Senatum ascitus, magis ad alios quàm ad se pertinere aculeatè dictum, posset suspicari: tamen illud siue dicendi sal, siue maledicendi licentiam non tulit: frequentique hominum amplissimorum cætu, grauitè respondit, siue illa tessera sit, seu rapi frustum, quod loco tessere in alueum conijci Tarnouius diceret, dummodò in alueo sit, præclarè cum illo agi, nosse autem se multos, qui nisi opulentis familijs essent nati, vix dignè essent raporum quoque in alueo locum occupaturi. Rarò quis vnquam sic demissè, vt hic magnanimitè se gerendo inuidiam superauit. Itaque permultos quos primo Pontificatus suus perstrinxerat, idem eos cum laude gestus in admirationem virtutum illius conuertit. Nec tamen in quenquam aut factò paullo acerbior, aut dictò contumeliosior extitit: malebat enim non accersere iniurias, quàm vlcersci. Idem nullius in se beneficium aut dissimulatione transmisit aut

fine

EPI SCOP I PLOCENSIS VITA

sine gratia: faciliusque poterat eorum quæ ipse præstitit obliuisci, quàm ea quæ percepit non agnoscere. Nec verò ij solum gratitudinem ipsius senserunt, qui vnquam illum benefici fuerunt, aut officiosi, sed etiam liberi ipsorum, quos quidem haud multò secius cōplectebatur quàm si illorum esset parens, quamuis vnumquemq; liberalitate impari. Magna videlicet pro magnis rependebat, sed non poterat tamen ob minora merita neglectum se quicquam conqueri. Iam familiaritatibus nec ita multis implicabatur, & in deligendis ijs percautus erat & diligens: quas autem semel admisit, eas cōstantissimè & religiosissimè ad extremum vsque retinuit vitæ. Præcipuè verò exterorum coluit Aloysium Lippomanum Veronensem, & Jo. Franciscum Cōmendonom Zacynthium Episcopos, hunc quidem sic dilexit, vt vix frater quidem suus esset, illi carior. Quanquam solebat ille omnes Legatos qui à Paulo IV. Pio IV. Pontificibus Maximis in Poloniam vētitabant, liberalissimè & honorificentissimè tractare: cū vno tantum Jo. Bernardino Camerinēsi Episcopo nescio quid offensionis subitò contraxit: quem omnibus à se officijs cultum, cum neq; amicum sibi, nec æquum experiretur, adeò tamen vltus non est, vt nisi deinceps minus familiariter ipso vsus esset, immutatum eam esse illi plerique nescirent. Ita alitudinis animi eius fuit, grauem iniuriam profundâ obliuione contriuisse: pietatis, odisse potius Legatum nolle, quàm odio ipsius de sua erga Pontificem Maximum obseruantia quidquam minuisse. Iam qui in vltimis terris habebat tamen quos amaret, quonâ animo putandus est fuisse vel in Regem suum, vel in eos citium, quos aut amicitia aut sanguine habebat coniunctos: mihi sane eo videtur fuisse, quo esse par est hominē iustissi-

ANDRÆ NOSCOVIL

iustissimum & benignissimum erga patriam, parentes, & amicos, quibus peræq; ac sibi natum se meminisset. Ille Sigismundum Augustum Regem coluit sic, vt qui maximè; ille fide, beneuolentiâ, omni denique obsequio perfecit, nemo vt sui ordinis esset illi carior. Nam nec vnquâ iniunctum sibi ab eo munus aut onus refugit (quod & alias patuit, & tum quoque cum Regem in Prussiam secutus est honoris causa, cum magno comitatu, culta familia) & quod habuit commune cum paucis, re non semel illum sustentauit. Itaque qui non temerè in sua re solebat esse profusus, idem bello magno & difficili Moschico, inopiam ærarij publici subleuauit, cum Regi ad quadraginta H--S. mutuo dedisset. At enim oppida quædam hic in Masouia & fundos à rege pignori accepit: quis autem est, à quo sine pignore aut vsura nummum moueas? tantum abest, vt quis vsu Hypothecæ contentus de sorte se patiaur in dubium venire: Noscouius is fuit, qui cum non ignoraret, pecuniam quam Regi credebatur (quod id legibus vetitum sit) nunquam ad hæredes suos esse redituram: ideoque pari fortasse cum fructu, tutius quidem illam posset alibi collocare, tamen utilitati potius communi, quàm suis commodis seruiendum putauit. Nec verò minus hic principum in Republiça floruit amicitia. amabatur à Nicolao Dzyrgouio Archiepiscopo Gnesnensi, eiusque successore Ioanne Prærembio, præterea Samuele Macieioio, Philippo Padneuo, Episcopis Cracouiensibus, summis viris. Stanislaum Hosium Cardinalem, virum sanctitate vitæ & doctrina insignem, obseruabat maximè, eiusque quoad poterat imitator studuit esse virtutum. Idem Thomas Sobotio, Ioanne Oecelio magnis & laudatis viris vsus est amicissimis: præcipue

EPISCOPI PLOCENSIS VITA

cipue verò Spiteone Tarnouio Senatore: quem omni virtute ornatissimum, idemq; in republica sentientem, singulari complexus est amore. vicissimque ille, quanti Noscouium faceret ostendit, cum Florianum Trombium Noscouium, fratris ipsius filium delegisset sibi, cui virginem collocaret filiam, quæ res necessitudine illos iunxit, vix aliquid addidit ad amorem: Idem Stanislai Carnouij, Petri Myscouij, Georgij Podlodouij (qui iam tum maiorû natu, & laudibus succrescebant) & fortunæ, amicitia delectabatur; illisq; fauebat animo, non deerat studio, cum pleno gradu ad summum dignitatis contenderent. Ita qui iunior Andreæ Critio, Ioanni Choinio, Petro Gamrato, Samueli Macieio, Ioanni Billinio, memorandæ in omni posteritate virtutis hominibus, fuit probatissimus: idem (vt vidimus) senex, non æqualibus modò suis, sed iunioribus quoque fuit iucundus. ex quo existimare licet, quâ ipsum re excellentem fuisse oportuit, qui amicitiam meruit optimorum: tales enim plerunq; ipsi sumus, quales sunt ij, quibus cum familiaritate iungimur: vt armenta sui generis sequuntur gregem, ita boni bonis facillimè aggregantur. An verò splendor hic solùm coluit amicitias, veteres deseruit, fortunâ humiliorum? imo verò quos vel in condiscipulatu socios, vel in quotidiana vita coniunctos, vel in sacerdotio habuit collegas, eos per omnem vitam dilexit tenore pari. Non illi opes auxerunt animos, sed maiorem ad benemerendum de alijs præbuerunt facultatem, nemo hominum aut in congressu arrogantiam vultus ipsius notauit, aut humanitatem desiderauit, nemo in ope ferenda duritiam est expertus. Facilis non blandus, grauis non arrogans, seueritatem multâ comitate condiebat: quibus diuersissimis rationibus co-

C

sequeba-

ANDREÆ NOSCOVII

sequebatur, ut cum esset principibus venerandus, amabilis idem infimis existeret. Iam de integritate & continentia ipsius quid ego amplius dicam? cum hoc verè videor posse affirmare: Neminem ex ijs quibus præfuit audiuisse me, qui se aut læsum, aut inhumaniter tractatum ab eo quereretur. Nulla nova onera imposita, non operæ durius exactæ, nihil imperatum extra ordinem cuiquam, nihil ademptum: sed omnia more maiorum, plena æquitatis, moderationis, clementiæ. Accessu facilis, non alienis auribus excipiebat querelas hominum, sed suis. Audiebat quæ quis dicere volebat patienter, perpendebat. prudenter, discernebat mansuetè: in toto genere iudiciario religiosissimus, seueritatē nulla gratia variabat. Nec verò satis habuit, seipsum talem exhibere: sed ijsdem etiam finibus præstabat, quos populis ditioni suæ subiectis præficiebat: quorum quidem omnium sensus erat idē, ut & laudi ipsius & existimationi suæ seruirent. Itaque iusto & miti imperio habita plebs, multitudine repleuerat agros. Florebant oppida locupletum mercatorum, artificumq; copiā: tota regio cum hominum frequentia, tum earum rerum, quibus vsus indiget: affluentia vigebat sic, ut nihil potuerit esse cultius, aut amoenius, aut opimum magis. Præcipuam verò religionis gessit curam, qui cauit, ne noua doctrina, quæ prauis & impijs opinionibus hominum imbueret mentes, in dioecesi sua pedem figeret. Itaq; cum in cæteris Poloniæ dioecesibus inualesceret malum, in Płocensi vix vnus est inuentus, atq; is ne indigena quidem, qui ab auita & patriā religione discederet. Hunc & suā voce, & per amicos homines monitū, cum abducere à proposito non posset, hoc facere coactus est, ut quoquomodo tamen, oue morbidā reliquum gregem li-

EPISCOPI PLOCENSIS VITA

gem liberaret: neque in tollendo eius vlcere aut igne, aut ferro vsus est; sed pecuniâ negotium confecit. Etenim cū ille ipse bona vxoris proscriptisset, neq; ob magnitudinē precij facile reperiret emptorem: Noscuius non diu licitatus precium persoluit, sicq; mollissimâ viâ, hominem cum sua inani religione diœcesi submouit. O virum verè magnum & sapientem, dignumq; non vnus cui præfuit regiunculæ, sed plurium & maiorum imperio. Quod si summis ornantur laudibus qui discordias, seditiones, bella ciuilia populi alicuius sedauerunt, non minoribus certè digni videntur, qui ea ne acciderent, prouiderunt. Hanc ipsius siue vigilantiam, siue cautionem: si cæteri quoq; eius ætatis Pōtifices fuissent imitati, ordinis & boni moris plūs, turbarum minūs habuissemus. Sed incuriâ dicam, an conniuentiâ quorundam eò iam dementiæ peruentum est, vt quæ diuinitūs tradita, ab vniuerso cætu rectè sentientium, & intellecta syncerè, & obseruata firmiter, tot sæculis suam religionem obtinuerunt, ea nunc demùm à quibusdam in disquisitionem vocentur. Maiorum contra, sanctissimorum hominum vt recti in religione sensus, ita in retinendis ijs fuit constantia singularis: quorum, hic, & imitator moris & disciplinæ retinens, sacerdotes suæ diœcesis sanctè & seuerè habuit: curauitq; vt & rectè docendo, & quæ præciperent alijs. faciendo, populo veræ beatitudinis iter ostenderent: Horum ille, non scrutabatur valdè omnes n̄uos, sed de quo aliquid inaudisset, quem impurum, aut ebriosum, aut aleatorem comperisset, hunc non facile incastrigatum dimittebat. Nec domestica familiæ disciplina, minūs erat seuerâ aut grauis, quam ne numero quidem spernendam, genere tamen ipso magis æstimandam habebat, in hac erant

integerrimi sacerdotes, excellentes tūm virtute, tūm arte aliquā honestā viri, & clarorum equitum adolescentes filij, & illi quidem erant eiusmodi, qui ipsi per se rationē haberent officij sui, iuniores vt pietati, pudori, modestiæ assuescerent, magnoperē laborabat, quo in numero cum ne ij quoq; decissent, qui ab equitandi, venandi, & armorum studio non abhorrent; tamen multò pars erat maior, qui aut diuinarum rerum cognitioni, aut iuris Pontificij scientiæ, aut politicioribus literis se dabant; Vnde domus eius Sacerdotum penē quoddam Seminarium fuit, cum decedentibus fato, (vt necesse est) alijs atq; alijs, in supplemētū eius ordinis, optimæ disciplinæ tyrones ex ea mitterentur. Singulorū operæ dispar gratia, omnibus vna mens, vt quā quis posset optimi Pontificis amoris & beneficentiæ responderet, quā quidem is licet ad largiendā pecuniam esset restrictior, facile tamen suis omnibus alias satisfaciebat. Itaq; quod vix cæteri profusione consequuntur, hoc iste mediocriter dando effecit, vt suos & morigeros & beneuolos satis haberet sibi: Persuasum enim habebat, immodicis largitionibus, accendi potius sordidorum cupiditates, quā expleri, diffluentibus luxu, augeri insaniam: contra, salubria istis, grata probis mediocria: nec tam necessarium putabat, aliquem effici potentem, quā vtile non esse miserum. Quod si ieiuna videatur quibusdam ist hęc liberalitas, ij meminerint, metiri suo se modulo quemq; oportere: propterea, rectē hunc atq; ordine fecisse, quod, non quid maximi Reges, plerumq; faciant, sed quod moderatum Pontificem facere par esset, cogitārit. Regem frugi nemo fortasse laudauerit: Sacerdotes ista laus non dedecet. Quamquam nemo hunc aut sordidum, aut tristem in largiendo sensit: nā & quan-

EPISCOPI PLOCENSIS VITA

& quantum quisq; esset meritis, sciebat vnus omnium optimè perpendere: & dabat quod cuiq; esset satis. Quod nisi ita esset, nunquam is inter domesticos conuictores, Philosophos, Iuriconsultos, Medicos, & quod vix credibile videri possit, Duces & centuriones habuisset, quos in suo quemq; genere præstantes, ex ipsius domo tanquã ex aliqua virtutis schola prodijisse vidimus: quos ille omnes tractabat liberaliter. Cultu corporis splendidior non libenter videbat vti sacerdotes. Quod signũ est, sic eum personam tueri solitum Principis, vt idem nõ obliuisceretur se sacerdotem esse. Itaque in quotidiano cultu, honoratissimi ferè pullã & laneã veste, pauci diuersi coloris, nemo purpureã & sericã conspiciebatur: Hæc nunc frugalitas fortasse rideretur, tũ certè honestissimo cuique placebat; & laudabile sanè erat, cùm subsidia & publicæ & priuatæ necessitatis, in res inanissimas non consumebantur. Idem curabat, vt omnes familiares itinere equis veherentur: hoc enim pertinere, ad tuendũ corporis robur putabat, & simul iuuentutem intermisso equitandi exercitio, mollicie & ignauia marcescere non sinebat. pauci erant, qui propter aut dignitatem, aut ætatem, aut valetudinem, rheda iter facerent, tantũ abest vt suorum aliquem sublimem curru, multi iugisequis, ex victa modestia triumphum agere permetteret. Nec modò sic continuit eos, qui quasi in domesticis ipsius erant, sed illos etiam quos oppidis suæ ditionis præficiebat, qui cùm ferè essent, aut sororum illius filij, aut affines, tamen vix alicui extra ordinem indulsit quidquam, non illos plura seruitia, non equos vltra præscriptum numerum alere, non vlla in re inolescere patiebatur. Sed qui erga luxuriam sic fuit immotus, idem ille se huma-

ANDRÆ NOSCOVII

nissimè remittebat, cum quis ope & auxilio eius haberet opus. Quare omnem is egentium & calamitosorum turbam, omnes tenuioris fortunæ sacerdotes, adolescentulosq; quorum patribus angusta domi res educandæ & imbuendæ honestâ doctrinâ prôlis facultatem ademerat, liberalissimè iuuit. Quo fiebat vt opes quæ cæteris parare inuidiam solent, huic vni conciliarent amorem, cum eas necessitati non luxui, & inopiæ alienæ leuandæ, non arrogantiae cuiusquam alendæ, impendi homines viderent. Ac quò magis haberet vnde liberalitatem posset, exercere, rem familiarem non neglexit, non auxit tamè cuiusquam cum iniuria: cum omnis eius pecuniæ reditus ex annuis vectigalibus & fructibus ferè rusticorum constaret prædiorum. Hæc quoq; locare non erat solitus, quod & nonnullas molestias vitaret, & sibi hoc quod cōtra priorum Pontificum consuetudinem esset, parum licere existimaret. Hic cum posset altius ascendere, tamen mediocritate præoptauit, tanta est enim cum Sigismundi, Diui filij, gratia consecuta, vt nihil illi non offerret, quod sacerdotem fas est obtinere, sed ille sibi honorum modum statuit, cum præsertim iam pridem factus Episcopus nihil ad se permutatione eius muneris peruenturum esse cerneret, nisi quod maiores opes appetisse posset videri. Ex quo apparet illum non tam quod amplum, quàm quod sibi satis esset, spectauisse. Quanquam autem & veterum beneficiorum quibus regiæ domui erat obstrictus esset memor, & oblata pro acceptis duceret, tamen in ijs quæ ad Rempubicam munusq; suum pertinebant, liberum Senatorem & Episcopum egit: qui quidem curauit, vt in conuentu quem eligendo Abbati monachis Ceruensis indixerat, nulli rei loci esset minus quàm gratiæ.

EPI SCOP I PLOCENSIS VITA

gratiz. Itaq; cum nonnulli essent quorum ambitio in Re-
ge maxime niteretur, Episcopus prauertendas sibi moli-
tiones illorum ratus, clauso domicilio ne quis in suffra-
gium missos interpellaret, ad concordiam maturandâq;
electionem monachos hortatus est. Creato singulari o-
mnium consensu Stanislao Phalantio (à quo vt honorem
acciperet ægre impetratum) tùm demum tabellarij Regis
superuenere, lectæq; eius literæ quosdam de suis commē-
dantis. Satisfactum Regi egregia oratione, de electione
nihil immutatum: cum ritè & legitime creatum, priuare
dignitate quam semel dedissent, integrum sibi non esse
responderent. Atq; hæc consultore & authore Episcopo
acta, cuius magnitudinis animi fuit, quod offensionem
Regis, si ita opus esset, incurrere, quàm de libertate Ec-
clesiæ quidquam deminuere maluerit; prudentiæ, quòd
ne Rex illi meritò posset succensere, cauerit. Nec dubiū
est quam rationem creandi Episcopi ipse esset probatu-
rus, qui Abbatem non probaret, nisi à Monachis electū.
Quamquam cum videret Sacerdotia more maiorum, &
conseruatis legibus capi desijisse, operam dedit, vt succes-
sorem sibi sustinendo oneri parem, viuens designaret.
Itaq; cum quosdam, qui summa simulatione amoris &
cultus, captare ipsum videbantur, grauiter reiecisset:
primū de Paulo Glogouio Archidiacono viro bono &
erudito; deinde de Alberto Swięcicyo Plocensi Decano,
probitate pari huic muneri asciscendo cogitauit: sed vtri-
que mox Petrum Myscouium Regni Procancellariū præ-
tulit, florentem iam tum famâ ingenij, honoribus, gratiâ.
Quò fiebat vt etsi tum quid in eo potissimum esset secutus
pleriq; non perspicerent, prudentiores tamen, non ideo
hunc minùs putarent quidquam nisi summa ratione fecif-
se, cum

ANDRÆ NOSCOVII

se. cum præsertim vir ipse optimus, ex suo ipsius ingenio alios æstimans, cum cætera in Myscours probauisset, gratum etiam erga se, in suosq; beneficium facile crederet fore. Ac utrum rectè diuinarit, non disputo, sperauit ea certè, quæ à probo sint homine & accepti beneficii memorie expectanda. Fuit enim hic vir erga suos reliquos sic satis: erga fratris filios plusculum indulgēs. Quod si vitium est, hoc ex summis ipsius laudibus extipias licet: modò idem fateare, & plura eum & maiora vsibus Reipublicæ & præclarissimis rebus impendisse. Quò magis ignoscendum est, si nonnulla quoq; ijs quos præcipuè amabat, tribuisset: præsertim cum in eo non videatur excessisse modum: opes enim quibus ornauerat suos, speciosas dices, inuidiosæ non fuerunt. At contra, quantum sumptus in ædificando posuerit, testantur non dico illa, quæ ut ipse benè in prædijs habitaret, dilapsis vetustate ædificijs noua passim extruxit: sed templa ab eo (ut honos Deo immortalis haberetur) Płociz, Pułtouiæ, Broci, magnificè partim condita, partim restaurata, ut præteream quæ ijs in ornamentis templorum reliquerit, quæ quidem & specie, & precio, & numero, non sunt inferiora ijs, quæ vsipiam in Polonia visuntur. Susceperat enim iam pridem cogitationem dignissimam suæ pietatis, ut quæ parta benè & innocenter haberet, optimè quoq; ijs vteretur. Et quoniā Cracouiæ iam ante parauerat domum, dederatq; grandè pecuniam, ut esset vnde quadrageni adolescentes optimis disciplinis in celebri Gymnasio operam daturi, quotannis alerentur: cupiditas illum incessit, simile liberalitatis monumentum in Masouia patria relinquendi. Constructis igitur Pułtouiæ amplissimis ædibus, in quibus iuuentus omni liberali doctrina excoleretur; cum intelligeret,

eruditi-

EPISCOPI PLOCENSIS VITA.

eruditionem si pietas in Deum desit, obesse sæpius quàm prodesse: de adducendis eiusmodi Magistris laborabat, à quibus iuuentus & sapere disceret, & benè viuendi peteret exempla. Sacerdotes Societatis Iesu erant, quorum vitæ institutum & ratio docendi laudabatur, eosq; non ita pridem à vicino suo Prussiensis Hofio Cardinali Brunsbërgam accitos magno prouinciæ commodo audiebat. Hos ille in ea domo collocauit, accepit eleganter potius quàm copiosè, tantùm enim annui prouentus assignauit, vt nihil illis ad victum aut deesset aut superesset. Pecuniam tamen, ad extruendum templum dedit ijs satis amplum. Vnde apparet non tam hunc fuisse pecuniæ cupidum, quàm in ipsius vsu prudentem. Aderat forte apud illum Franciscus Commendonus Zacynthi Episcopus: hic pro iure amicitie interrogatus, satisne illi ea quæ instituisset probarentur: negauit sumptum vsquam melius poni posse, & ad perficiendum hortatus est. Et, quanquam ille in eiusmodi rebus non seruiebat opinionibus hominum, tamen in sua sententia magis confirmatus est, quum ad hæc quæ sponte faciebat tanti viri accessit autoritas. Agebat iam annum quintum supra septuagesimum, quò magis licebat sine offensione cuiusquam, munia Reipublicæ rarius attingere, sic senex huic aderat, vt nemo hunc iuniorum assiduitate vinceret. Quod si per valetudinem non licebat ei aliquando in curiam venire, tamen Regi super aliquo Reipublicæ negotio sententiam suam exquirenti, eam afferebat, vt facile ostenderet non marcescere simul cum corporibus humanos animos, sed potius quantum vigoris sensibus detraheretur, tantum ad aciem mentis accedere. Sic cum duos & viginti annos in Pontificatu egisset, effecissetq; eos quibus præfuit, re, copiosos, honestos moribus, vitâ in-

D

tegrus


ANDRÆ NOSCOVIL


tēgros: ipse autem non minùs opibus creuisset quàm gratiā, incidit in morbum initio non periculosum, in progressu vt apparuit lethalem. Nam cū Branisci templum dedicauiſſet, siue ex vehementiore nisu (quem inter dedicandum, tingendis vt moris est, sacro oleo parientibus, adhibuit) siue quapiam alia ex causa, lateris dolorē contraxit, & vt quiete & medicinā se reficeret, Poſtouiā ire perrexit, vbi cū missa sibi ab amico Damascena pruna, inspexisset, sumpſissetq; ieiunus aliquot ex ijs auidius: leui primū horrore tentatus, mox in febrim incidit. Disceſſerat ab illo iam ante Venceslaus Fabius Tessinen. summus medicus, sanē perincommodē, cuius per duodeuiginti propē annos, operam in medendo feliciter est expertus, & in amicitia fidem. Itaq; remedia Christianus Drozdouiſ apud adhibebat. Sed postquam æger inualeſcere morbum in dies ſenſit, aduocatis fidissimis suorū, tempus inquit amici est, vt cū nihil eorū quæ ad sanandum corpus pertinent obmiserim, animæ etiam dum licet consulam. Sacerdotem ergo, quo cum secretius quædam communicem accersiri ad me iubetote. Cui cū se totum aperuiſſet, commissorum criminum labe expiatus, etiam sacrosanctis religionis nostræ mysterijs ritē procuratus est. Auerterat iam animum à cura rerū inaniū ad contemplationem cœlestium, cū subito alleuari morbo sibi visus est, ita vt etiam volucrem recenti aucupio captam, præparari in cibum, eamq; mensæ inferri iuberet. Sed re compertum, vana hæc sanitatis indicia fuisse. Itaq; cū iam ſenſim viribus collabi & spiritu deficere videretur, sacerdos qui aderat ex Societate Iesu, nulla circuitione vsus, spem vitæ abijcere illū iussit. Et cū diceret æquum esse, vt repetenti benignissimo creditori Deo, debitum dissolueret, non modò libenter sed etiam cum


EPISCOPI PLOCENSIS VITA


cum gratia, ille se satis vixisse respondit, gratiasq; quas posset Deo immortalis agere se dixit, quod plurimis & maximis beneficijs cumulato, hanc quoq; diuturnioris vitæ vsuram sibi adiecisset. Vitam se quam ab eo acceperit libenter reddere: reliquorum, gratum se debitorem mori. Hac oratione habitâ, cum inter suprema suspiria diuinæ se misericordiæ commendaret, extremum actum tanquā bonus Poëta præclarissimè clausit, excessitq; ex vita ad jx. Cal. Nouembris. Anno orbis redempti, MDLXVII. Pontificatus verò sui altero & vigesimo, cum ipse quinquē & septuagesimum exegisset. Quod si quā plus vitæ actionumq; censetur, hac parte de homine existimandum est, vir magnus & memorabilis fuit, sacerdos probus, Pontifex gravis, & suo obsequio ad gubernandum alios eruditus, & vt semel dicam, dignior semper honoribus habitus quā quos gessisset. Formam etiam corporis ipsius describere libet, erat staturâ satis procerâ, paululū incuruus, capite mediocri & caluo, fronte & supercilio graui, sed ore satis benigno, naso adunco, vt magni Regis speciem præferret, toto deniq; habitu decorus: quem cū vidisses, non metueres, coleres libenter. Vox clara & virilis, valetudo satis prospera etiam seni, nisi quod herniæ molestijs interdum vexaretur. Elatus est magnifico funere, quanquam ipse non iusserat tumulatusq; inter lamenta & complorationes populi, non tam illius vicem quā suam dolentis, sepulchro quod sibi viuus paraauerat Poitouiæ ad dextram Marianæ Basilicæ. Mors eius ne ijs quidem læta fuit, quibus proderat; ceteris diu luctuosa nunc etiam memoratur. Tum quoq; omnium confessione vir magnus & Regi publicæ utilis, cū iam neque odissent neq; assentarentur.

















Konserwacja i oprawa: Sekcja
Konserwacji Bibliograficzno-
wrażeń 2003 r.

